


MULALELO

 . . . fa mumizo waka bakeñisa lisebelezo, zeñata cwalo ze fikitini kwani kwa Arizona. Ne lubile ni nako yende. Mulena Jesu na lu fuyozi fela hahulu, kufitelela tikanyo. Ne balikile kubeleka nyana ka mihato ya Mulena, Ni sepa kuli, yeo ikona kuba nzila yende mwa ku li bulelela, ku kena ku yo fuzela mulilo pili kutukisa sibaka, pili. Ne ni itahanezi ka mazazi likani nyana, ne ni na ni lisebelezo ze lishumi kamba ze twelufu kwa likeleke zetuna kaufela mwani mwa Phoenix kaufela, Sunnyslope ni Tempe ni Mesa ni kushetumuka kwani, ni ku tukisa mulilo kai ni kai ni kuisa kwa masihu a ketalizoho kaufela a mukopano. Mi neli mukopano omutuna hahulu o lukile lwaba ni ona mwa North America. Neli omutuna. Mukushuko o mutuna hahulu, mi—mi hape ni—ni mukiti wateni busihu bwani.

² Ha nikoni fela kubulela kuli neli babakai bene ba amuhezi Moya o Kenile. Neli—neli nto yetabisa hahulu palo ya babane ba amuhezi Moya o Kenile, ni bene ba folisizwe ni—ni kupiliswa, ki—ki nto yende fela. Kacwalo lu itumela ku Mulimu halunze lubona nako haiya ifela. Baana babatuna babañata ne ba tile. Alimuñwi wa . . .

³ Se si ka utwisa Muzwale Neville hande. Na bona mukutazi wa Presybeterian, ya zwa kwa Koleji yetuna ya Presbyterian mwa . . . mwa naha ye, inza binela mwa Moya. Oh, mawi, neli nto yeñwi luli, na amuhezi Moya o Kenile. Mi cwale a ni bulelela, ki hali, “Nina ni iliñwi ya matepu a hao.” Ali, “Ne si yende hahulu.” Ali, “Neli fela za kutulatula, kono,” ali, “Ne ni li fumani mwa koleji yaka ni ku liza.” Mi ali. . . Kakuba muuna yomutuna ya itutile mo ibelekela minahano ya mutu kwani, na ba kuzisize kaufela bona. “Kihande, ba yo Li utwa nako yeñwi, nihakuli cwalo,” a bulela. Mi ki hali nana ni . . .

⁴ Mi ali akala kubinela mwa Moya kwa kekeke ya hae, kasumulaho amano amuhela Moya o Kenile, mi se bali, “Revurendi, u ka ituta lili kuhata muhato o munca?”

⁵ Yena ali, “Kopano yaka fo i ka itutela muhato wo pili.” Na hupula kuli neli nto yende hahulu yani, mwa ziba, mundandwe wa ba Presbyterian, ee, ali, “Kopano yaka ha i ka ziba taba ye.” Kacwalo yeo ki nto yende. Kuswana fela sina mbututu, yasali yomunca fela mi niteñi ubuile. . . Kihande, mwa ziba za lukela kuba, kuli abe munituti yomutuna wa za ngana ya butu mwa Koleji yetuna ya ba Presbyterian mwa Boston, kihande, ki mwa United States.

⁶ Ne ni boni mueteleli alimuñwi wa baalafi ba Mayo baalafi ba pilu inza kutaza Evangeli mwa Moya ni kubulela ka malimi. Oh, mawi! Na bona muika yomuñwi hape, yanali musabata

kwa Seventh-day Adventist, kuzwa mwa . . . Na li mu—mu—mu mu alafi wa pilu ni mumizo hape, mi yena, muuna muhulu yani, a amuhela kolobezo ya Moya o Kenile. A I amuhela. Busihu bobuñwi Na mubeya mazoho mwa patelo, mi a amuhela Moya o Kenile. Kacwalo luna . . . ki lika fela zeñata hahulu zeo Mulena luna na ezelize kuli lu itumezi ka zona, mi sihulu ka kubona nako ye.

7 Mi se Ni li kuyena, “Kikuli u ziba hola ye munyali ya lobezi akupa oli?” Neli nako ya na tile Munyali, mi sicaba, Bene ba itukisize ba taha ni bona. Oh, Ni tabile hahulu ka kuziba kuli lupila mwa mazazi a maungulo aa. Mwabona? Ni lumela kuli lupila ku iliñwi ya linako zetabisa hahulu zeo lifasi likile la ziba, bukaufi ni Kutaha kwa Mulena. Kana ha ki nto yende yeo nji? Munahane, yeo ikona kuba nako ifi kaufela cwanoñu, Mañolo kaufela sa li bukaufi ni kutalelezwa! Mi kacwalo lu Mu kulubela ka nako kaufela. Mi lu lukela kupila mwatasa tibeledo ya mufuta o cwalo, kuli, nako kaufela ya kona kuezahala. Mu lapele, muitukise!

8 Mwa litaba zeñwi za lipuzo ni likalabo kacenu, Na, alimuñwi, Na katana mukutazi wa linzwi yazwa kwa Formosa, musali ndwaakati, wa myaha sebente-sili ya kupepwa, mi na fita fa fote-faifi. Mi u sali mu—mu Musali yatiile, mi mwendi neli musizana yomunde nde. Mi ki hali na hulezi mwa lapa la Bukreste koo “ee” neitalusa ee, mi “awa” neitalusa awa. Mi ahulela mwatasa tuto yetata luli. Mi ki hali, “Muzwale Branham, fa silimo sa li, oh,” ali, “mwendi neli myaha ye eiti ya kupepwa, Ne ni hupula kuli Ni file bupilo bwaka ku Mulena Jesu.” Ki hali, “Mwendi ka myaha ye twelufu ya kupepwa, Na shembiwa ki mukutazi cwana kopano, kuli Ni lukela kuba mbuyoti ya bubeli,” mi ali, “mi ne ni pumilwe luli ku yona.” Kono ki hali, “Mwendi fa myaha ye sebentini cwalo ya kupepwa, Na a muhela Moya o Kenile.” Mi ukutezi kwanu cwale ulika ku zusulusa likeleke zeñwi ze lobezi za Baptist. Musali ali haiba—haiba kuna ni sika kaufela sa na boni kuli si “shwile,” ki wa Baptist yena kasibili, ki hali, “kana likeleke ze shwile za ba Baptists li sa li teni kwani nji.” A li biza kuli “ma mochari.”

9 Se nili, “Kihande, Ni sepa ha uli fa mafulo a ndwa . . .” Na sepa cwale saali . . . Munahane fela, na, lilimo zaka seli mashumi aketalizoho ka zepeli, yena na li mwa masimu a linzwi ni si ka pepwa kale. Mi cwale Ni nahane kuli ne Ni ya ni supala hahulu kuli ni kene mwa simu. Mi Ni nahana kuli, “Mawi, ni swalele, Mulena.”

10 Mi yena, hande, ka bunde fela mi ni ka kutiya mwa kona kubela. Mi cwale ni ku ni bulelela kutwisiso mwahala musipili, ni ka mo Evangeli ne i tokwahala mwa Formosa ni—ni China, ni Japan, ni zeñwi cwalo. Kacwalo ba mu luma kuzwa mwa simu, ali, “Haukoni kuya mwa masimu ha so fitelezi myaha

yefitelezi sebente, mwa ziba.” Kacwalo ba mu kutisa. Kono na si ka kuza, usweli kuya kwa mikopano ya likundi za ba Baptist. Mi ki hali, “Billy Graham,” ali, “mwa na zamaiseza liñusa la ba Baptist ka, neli sikoloti kwa keleke ya Baptist.” Ali, “Ha ba isangi fahule nyana kuli ba amuhele Moya o Kenile,” musali abulela. Oh, kezeli, upile hande ni zeo. Zeo li lukile. Musali ali, ma Chinese bani kwa mulaho kwani, a bulela kuli habana ku ba tuhelela fela kuzwelapili ni kubulela kuli, “Lu lumela ku Jesu Kreste.” Ali, “Zeo ne li lukile,” kono abulela kuli na ba lumelize kuina kwani kufitela sesiñwi si ezahala, mi kipeto baba Bakreste ba niti.

¹¹ Se nili, “Kona mo li zamaela cwalo, kezeli. Ba bulelele fela, mutuhele baine kufitela sesiñwi si ezahala.”

¹² Kucwani kambe baapositola ne ba ka bulela, cwale, kasamulaho wa mazazi a naini kuli, “Lu lumela kuli luna ni Ona, mwabona, ha lu Li amuheleni fela ka tumelo ni kuzwelapili mwa musebezi wa luna.” Mwabona, ne li si ke za beleka fateni. Ne ba libelezi ona fani kufitela ba ziba kuli sesiñwi si ezahalile. Mi bwani kona butata bwa luna kacenu, halu inangi nako yetelele hahulu. Kihande, kona libaka ha lu sa pila fela bupilo bwa mufuta kaufela, kueza sika kaufela, ha li lu bi laezi, kakuli ha lu inangi nako yetelele hahulu fa sika. Kacenu lünzi mwahali, kamuso lu zwile, mi ka nzila *ye* ni ka nzila *yani*. Haiba luina nako yetelele kufitela mukena mwahali ni kukwala sikwalo kwa mulaho, mu ka inelela mwahali mwani. U swailwe kuisa lizazi la kuliululwa kwa hao. Ni tabile hahulu ka seo.

¹³ Mi ne luna ni nako yende, sina hane Ni bulezi, kwa Phoenix ni mwa musindi ni buñata bwa Bakreste kwani, buñata bwa bona baswalelezi kwa bupilo bwa bona.

¹⁴ Na kambama lilundu la South Mountain, musala ka kwani, ni Na. Zazi leliñwi, balikani, muzwale waka, Doc, na uta basizana bababeli, mi—mi Muzwale ni Kezeli Wood a uta mushimani, mi na ni musala ka ne lu bile ni ku ikatulusa nyana kwabubeli mwa linyalo. Mi ki hali, “Bill, wa ziba, ye neli nako yende mwa pumulo kufita ya pili.” Ki hali, “Nako ya pili ha luya fa pumulo ya linyalo, taba fela yene Ni ezize neli kuina mwa mafulo ni ku ku libelela kuli utathe lu yo zuma,” a bulela.

¹⁵ Ne ni itusisize mukwa o muñwi, mwa ziba. Na hupula nali, “Kihande, cwale, Hanina masheleñi.” Ana bulukilwe mwa likapa la bupi bwa kupangela masikono, na ka likana ku ni isa musipili kwa ku zuma, mi ibo Ne ni swanela kunyala kayona nako ya litabula yani. Kacwalo Na hupula kuli, “Libeye fela hamoho,” mwa ziba. Mi—mi hane Ni ya fa musipili wa kuzuma, ikaba ku katuluha kokutuna, mwa ziba, mi kacwalo lwa utwana. Kono nako ye ne lu lifanga ni kuzwela fande, mi, kiñi hape, neluna ni nako yende.

¹⁶ Mi buñata bwa bona ba taha kuwa mwa tabernakele mo. Ni lumela kuli Muzwale Sothmann, lubasi lwa hae kwa mulaho kwani, ni Muzwale Tom Simpson ni babañwi, ni Muzwale Maguire, mi kaufela ne lu na ni nako yende ku Mulena.

¹⁷ Mi kacwalo lwa kambama lilundu la South Mountain, kwani ki kwa mboela wa Phoenix, ni kuzwa kwa butata bwani. Uh! Butata mwa muleneñi wa cwale! Ki kabakaleo sicaba ha si kala kuekezeha fa lifasi, sibi, ni lipulao ze ekezehile. Mi Na talima fahalimu fani, mi neli fahalimu hahulu kuli ne lukona kubona musindi wa Phoenix, Na bulela musala ka nali, “Hani zibi kuli ki linako zekai, kuzwa fo lubezi mo mwa mizuzu ye lishumi ni ye ketalizoho ye, kuli Libizo la Mulena li keni mwa mbango mwa munzi wani?” Hmm?

¹⁸ Mwendu, kihande, mwa sibaka se si patehile hahulu sa tolopo, kunga sibaka sa Tempe ni—ni Sannyslope, ni kwani kaufela, Ni sepa kuli kuna ni batu baba lule mwa musindi wani. Na li, “Myaha ye mianda yemilalu kwa mulaho nekusina sika konji fela mikakani ni mawawa ana pila kwanu. Mi mane, mwa meto a Mulena, nekukaba hande haiba ne li kaba sina mo ne liinezi linako zani.” Yeo ki niti. Nihaikege kuli muleneñi omutuna—omutuna o no yahilwe kwani, ni mandu amande ni zeñwi cwalo, lika zende. Kono kwakona kuba hande, nekukaba hande haiba baana ni basali ne ba ka zamaya mwa mikwakwa ni mazoho abona ananuhezi mwahalimu, kulumba Mulimu ni ku itumela ku Yena. Kono, kufita kuli kube cwalo, ki kulwahakana, kueza lilata, kunwa macwala. Mu sa lumeleza fela zwelopili kutaha mwateni, kipeto mu ba ni bumaswe mwateni.

¹⁹ Se nili, “Ki litaba zekai za boozwa ze ne ezahala maabani manzibwana, maabani busihu mwa muleneñi wo! Ki babakai baba kozwi! Ki malapa amakai. . . Ki lika zekai—ki lika zekai ze siyo ka likute mwa hola yefelile fa, mwa muleneñi omutuna wo!”

²⁰ Mi musala ka ali kuna, ki hali cwale nto yeswana sina cwana, hane Ni nahana kuli, “Ki tuso mañi ya kutaha kwanu he? Kiñi ze mu siyezi malapa amina kutaha kwanu he?”

²¹ Mi se Nili, “Ki cwana mo si inezi. Kasamulaho wa zeo kaufela, zeo mane kona ze fumaneha mwa sicaba sesiñata, kono kuna ni babanyinyani mwateni mwani. Ki litapelo zekai ze sepahala ze ne lapezwi maabani manzibwana a kwani, neli fela kutaha kwa sebelezo?”

²² Mi Na li yomunde hahulu ku luna kuli likeleke ne li tala batu li si ka likela kale, kuli nemusike kukena mwa mapatelo mwa sibaka sani. Mi likopano zani ni zeñwi cwalo, mi Mulena a sulula Moya wa Hae mane aba fuyola. Mi Ne ni si ka tuhela kunataka, ne ni tundamezi fela kunataka ona cwalo fa Evangeli. Mi fokuñwi, eni sha, kinto yetata luli, kono kona fela mo Ni i zibela. Ku tata kulo kwanu. Kona kuli ku ka yo tatafala hahulu ni kufita kwa Museto wa Katulo ko lu ka yo yema. Kacwalo,

kaufela zona, neli nto ye kanya. Mi lubata kuitumela kwa keleke kwanu ka kulapela ni ku swalelela ku lu libelela, ni—ni ku lu buluka bukaufi ni sifapahano.

²³ Mi cwale ha ni kuta kwa hae, mwahali mo, mi Ne ni ka zuha kakusasana cwana mwendi kulapelela yomuñwi ya kula. Nina ni mikopano yemiñata ya lipuzo ze libelezi, litaba zeñwi ze Ne ni bile ni zona mazazi amabeli kuzwa ha Ni taha kwanu, ne li libelezi kweli mutumbi kuzwa fo Ni bezi siyo. Kacwalo balika kufita kubona kapili fela mo ba konela, ku ba nga kwa libaka zeshutana kaufela ko ba fumaneha.

²⁴ Mulena ha lata, mwendi ka lisunda zepeli cwalo, Ni ya kwa Tucson, kwani ki kwa njelelelo luli ki siemba se si mwatasi hahulu. Mi cwale baana ba pisinisi ye nako ye, kuli mukone kulapelela se. . .Hani tabelangi kueza sika kaufela konji pili Ni lumela kuli ki tato ya Mulena. Cwale, mukopano otatama uka ezahalela kwa Modesto mi kuzwa kwani uya kwa Washington, tolopo tenyene, Washington, ni kwa Zurich, kuzwa kwani luliba kwa Palestine, mi ni kwa South Africa. Mi zeo kaufela zanga sibaka mwahala cwale ni Mbuwana. Mi Ni memilwe kuli ni be mubuleli ka mikopano ye kaufela. Mi si kona kunifa kolo ya kukena mwa South Africa hape. Pizo ya bona, likweli kaufela lwa amuhelanga ku memiwa. Kono haiba alimuñwi. . .

²⁵ Kuna ni kuikaba kokutuna mwa likeleke, sihulu likeleke za ba Pentekota. Mi haiba muya kwa neku leliñwi, babañwi habana kuba ni sa kueza ka sona. Mi habakoni ku utwana hamoho, kacwalo Ni yemi fela cwalo ka myaha ye ketalizoho nina ni pizo mwa pilu ya kuya. Mi cwale, mwendi haiba baana ba pisinisi ba ka ni mema kuli ni zamaye, ku yo ba fela ni makalelo, zeo ki kuzwa maneku amabeli kaufela, mwa bona, mi kacwalo seo sitisa kuli kaufela batahe hamoho. Baswanela kutaha kaufela ki to utwana kakuli lituso za masheleñi abona—litusi za likeleke zabona kwani, kacwalo bana ni kutaha ku to tusa sifateho sa bona, mwa bona. Kacwalo mwendi ikona kuba tato ya Mulena, konohe, ha Ni zibi. Si utwahala hande, kono ha Ni zibi.

²⁶ Mi cwale, mwa silimo se, Muzwale Borders u ni file mukoloko wa misipili, kamba, limemo. Mi, ka swanelo, neli buka yekona kueza bukima *cwana* ye tile kuzwa fela Kilisimasi yefelile, kaufela ki kumemiwa kwa libaka kaufela. Ki lika zetata hahulu kuli ngana ya butu ilike ku li utwisisa, kona kuli Ne ni si ka nga neba iliñwi yazona. Ni ka nga fela mukopano ulimuñwi, ni kulibelela ni bone koo Mulena ani bulelela kuli ni ye teñi, mi Ni ka ya ku o tatama, ni o tatama, ni kaufela kwa Aka ni bulelela kuya. Kacwalo, mu ni lapelele kwateni.

²⁷ Na hupula ñohola, inge nili ni Muzwale. . . kamba Kezeli Cox kwani, fani Muzwale Arganbright a to ni biza kuya musipili wa kwa Anchorage. Kucwani kambe Ne ni kaya fela ka kuakaleza fela kuli ku lukile?

²⁸ Cwale, Ne ni sweli kunahana cwalo, *kuakaleza*, Ne ni kutalize fa tuto yeo. Se nili hane Ni zwezi kwani, ku yo bulelela bashimani ba matepu bani kuli, “Musika mwa nga matepu. Musike mwa isa matepu ao kwande, Ni ka kutaza fa lituto zeswana ze Ni kutalize kwanu.” Na sepa Ne ni kutalize yeñwi yene Ni kutalize kwanu, amañwi kaufela neli amanca fela. Mi Muzwale Maguire a ashimba, kaufela ona.

²⁹ Kuakaleza. Kacwalo haiba Ne ni kaya, ka *kuakaleza* kwani, ne lika shutana ni mo ne li bezi, pono kambe ne isika talelezwa. Kono pono ne i talelelizwe, mi kaufela mina mwa ziba cwalo, ka mo Mulena na fuyolezi.

³⁰ Cwale, kuna ni nto yeñwi yebile fa pilu yaka nako yetelele. Keleke, mu i lapelele. Mina sicaba kaufela mo mu ziba kuli kuzwa ha ne Ni sa li fela mushimani yomunyinyani Nali kuba ni ikutwe kulikana mwa naha ye. Pilu yaka ibile itabela kuya kwa Wiko. Mi Na hupula hane Ni ngwenjula bucwani bwa makwenyana kwani mwa patelo nyana yani neli. . . neli za mwa keleke mo, ona sibaka sani. Ne ni inzi fa mahatelo, mi Moya o Kenile wa bulelela ku na, Ki hali, “Hanikoni ku kufuyola kuya fahule konji ha u ka Ni utwela kakutala, sina Abrahama.” Mwabona? Mi, Abrahama, Mulimu amu bulelela kuli a kauhane mi a yo ikinela anosi. Mi, hana ezize cwalo, aya ni ndatahe, hamoho cwalo ni mwana kezela hae wa mushimani. Mi kufitela Abrahama autwela Mulimu ka kufelelela, kona kutaha mutalelela wa sa na mu sepisize Mulimu. Mi cwale taba ki ye, iliñwi ya litaba ze ne ni tama kwanu, neli boma. Mwa ziba cwalo. Mi cwale boma baile ku yo ba ni Mulena Jesu. Mi ha Ni—Ni zibi nzila ya kuliba, sa kueza, kacwalo mu ni lapelele kwateni.

³¹ Cwale, Muzwale Neville, Na zwa fakatala, Na hupula nali, “Kihande, Ni ka zwela kwateni.” Yomuñwi ani katana mi ali, “Mawi, bana ni sebelezo yetuna hahulu busihu boo.” Ali, “Ba kaba ni sebelezo ya kutazo, sebelezo ya lipina, sebelezo ya litapelo, mi cwale ni kuamuhela lineo, mi cwale ali bana ni—bana ni kutapa kwa mahutu, mulalelo, ni sebelezo ya kolobezo.”

³² Na hupula kuli, “Muzwale ya zielehile! Mawi! Mawi, kaufela zeo, Na ziba kuli seo ki sikamañi, mwendi kasamulaho wa kukutaza katata kakusasana kacenu.” Cwale, Na hupula kuli, “Ni ka picukela kwani, mwendi uka bata kuli ni fe mulalelo.”

³³ Mi ki hali, “Kana wakona ku lu ambolela kwateni busihu boo haiba u ikutwa kuetelelwa?” Kacwalo Na ziba taluso ya seo. Kacwalo Na kuta ni kupamula Liñolo fa ni kuñola mibamba nyana, mi mwendi Mulena uka ni tusa kuli ni tise fela Liñusa le likuswani mwendi la liholo zene, mi kona lukaba ni kutapa kwa—kwa mautu, mi kona lu ka ca mulalelo. Mi cwale, mi, oh, Na, mwendi Ni ka feza ba si ka feza kale. Batili, Ne ni sweli fela ku mi eza lisheha. Mwendi ka mizuzu ye mashumi amabeli, mashumi amalalu, mi cwale lu kaba ni kolobezo, mahutu- . . .

Kiñi zetatama fa, mulalelo? Mulalelo u latelela se, kona kutaha sebelezo ya kolobezo.

³⁴ Cwale, lu tabile kuli mu ka kolobezwa. Cwale, haiba Mulimu wa lata mi seo sa Mu tabisa, mi mane ki ze tabisa mulisana ni sicaba, Sunda yetaha kakusasana Ni kaba kwanu ku to lapelela bakuli, ni ku kutaza, haiba Mulena alata, lona la Sunda lelitatama le, kakuli Na mwendi Sunda ye katatama Ni kabe ni kutile hape nako yeo. Mi cwale ha se Ni tile, Ni tabela kutaha kwanu kuto—kuto kutaza kwanu, kakuli lu swalisani hamoho sina mizwale, ni Muzwale Neville ni Na fa, mi lwa—lwa latana yomuñwi ni yomuñwi, mi lu—lu—lu bata kuina bukaufi ni kutusa yomuñwi sina cwalo. . .

³⁵ Se si utwahala kashwau, kono Ni sepa kuli ha si utwahali kuba nto ye cwalo ku mina, Bo. Cory neba bulezi nako yeñwi kuli, bona. . . Ne ni li mwa sikundi sa lumonyi, inge ni lekisa ma botela a kumonyehisa mwa sibaka. Mi ki ha leka mabotela amañata a kumonyehisa ana ka muinela lilimo zene kamba zeketalizoho, Na sikuluha ni ku yo leka Ford ku yena. Ki hali, “Billy, Ni lumela kuli lusweli fela ku ñwayana fa mikokoto yaluna.” Ili kuli, zeo, kihande, ki mukwa fela wa kutusana mwa nako ya kutokwa. Kacwalo yeo kona—yeko kona yende. Lwa ziba mwa kutela kwa tuso ya yomuñwi ni yomuñwi mwa kutusana.

³⁶ Cwale, ha lu yeñi kwa kalulo ye sephala yateni cwale, mi haiba ha Ni lyangani, Ni lumela kuli Ni bona Muzwale Beeler kwa mulaho kwani, muzwale yomuñwi wa mukutazi. Mi kacenu hane Ni sweli kufita, Muzwale Junie Jackson na yemi kwande mwa patelo ni Muzwale Creech. Kana ba banga ni sebelezo kwanu linako zeñwi? Sebelezo ya kolobezo, Na bona. Ku lukile, lwakona kutaza mezi haiba ba ka tisa baba bata ku kolobezwa. Luna—luna ni mezi, ku lukile.

³⁷ Kacwalo he, bakeñisa kuli lukaba ni mulalelo, Ne ni hupula kuli ikaba hande hane Ni ka ambola fa mulalelo ka mizuzu fela yelikani.

³⁸ Cwale, lu si ka atumela kale Linzwi, ha lu beyeni kwatuko cwale litaba kaufela, ni mikwa ya bwanana bwaluna ni linzila za bumbwitamamina kaufela, ni—ni kuatumela Pata ya Mulimu ka tapelo. Ha lu lapeleñi. Cwale ni litho zaluna ze inami, mi Na sepa lipilu za luna li inami ni zona, haiba kuna ni kupo mwahali mo yeo. . . mu tabela ku zibahaza ku Mulimu, mi utabela kuli ni hupule fapila Mulimu, kikuli uka zibahalisa fela ka kunanula lizoho la hao ku Mulimu. Mulimu a alabe kupo ya mañi ni mañi.

³⁹ Mulimu yamata kaufela, yena Ndatahe Mulena luna Jesu Krete, Yena ya Mu zusize kwa bafu ni ku Mu inisa kwa lizoho la bulyo la Bulena, mi upila kamita inza lu kupela kwateni ka lika ze lu lumela kuli U lu ezelize kale, ni ku li bulela kuli licwalo. Lu lapela Mulena Mulimu, kuli busihu boo, U swalele libi za luna. Oh, lu bata kuinela mwatasa Mali ka linako kaufela, kakuli

ha lu zibi fela ze kona kuezahala. Lika kaufela se libata kufela, luikutwa cwalo, Mulena, kuli kutaha kwa Mulena ku atumezi. Mi lu libelezi ku ba mwa musipili. Mi halunze lu nahana za musipili cwalo, lukona kunahana za liputumende, ni—ni liapalo zeñwi za kucinca kamba makatulo. Kono ha ki shutano ni yeo ka za musipili woo! Ha ki kulonga; ki ku longolola, kubeya kwatuko. Sina mutanga Hao yomutuna, Paulusi, hana bulezi mwa Buka ya Maheberu, kauhanyo yabu 12, “Lu beya kwatuko buima kaufela ni ku sa lumela ko ku lu imeza ka bunolo, kuli lukone kumata ka tibeledo mwa takano ye tomilwe fapila luna.”

⁴⁰ Mi halukoni kupolofita cwale ka lika zende kwa lifasi la kacenu le. Nto fela yelukona kupolofita ka Moya ki sinyeho, matata, lizikinyeho za lifasi, mañungwa amatuna a mandinda, lizazi ni kweli za palelwa, keleke ya mwa lusika lwa Laodesia, Krete kwande a sikwalo, inza ngongota kuli akene mwahali. O Mulimu! Inge fela Mikaya wa kale, na ka fuyola cwani Akabe haiba sipolofita sani ne si mu lwanisa? Fani mupolofita yomutuna yani, Elia, ataha ku yena, mi kakuli na ngile bupilo bwa muuna yasina mulatu yani, Nabote, kacwalo ali, “Linja li ka kapa mali a hao.” Konakuli Mikaya na ka polofita cwani lika zende?

⁴¹ Kana bana ba batezi Moya ba kacenu ba ka kupolofita cwani hande kwa sicaba sa sibi, se si saize ngana ku za Mulena kono si mu kashelize kwande? O Mulimu, lu bona fela buhali bwa katulo bo bu sa taha. Ni ku huweleza ku baba si ka luka kuli, “Amusabele ku Mulena, kakuli ki Yena Licwe mwa naha ye omile! Ki Sisabelo mwa nako ya liñungwa. Mi Libizo la Mulena ki Tawala ye Mata, mi ya lukile usabela Teñi mi ufumana buiketo.” Lukona kunahana cwani za minzi yemituna yani ye yahilwe, ya masabelo, kanti ya i bata . . . mwa mulaho wa mutu mi akena mwa—mwa tawala, aba ni buiketo, hakuna ze ne kona ku muswala. O Mulimu, ha lu mateleñi ni ku akufela ku Mulena, kakuli ki Yena masabelo a luna ni Mata a luna, mi ki tuso ye liteñi ya cwale mwa nako ya butata. Kacwalo, ka kubona ka liito la mbande, mo ne inezi, butata ne bu taha, mali na pikuluha, mushika ni lumonyi lwa katulo inze lu tibuluhela fa lifasi, lu ziba kuli liñungwa li sutelezi.

⁴² Busihu boo, Mulena, lu lapelela ba kwanu baba nanuzi mazoho a bona. Ha ni zibi se ne ba bata, Ndate, Wena wa ziba. Ni lapela kuli U fe lika kaufela kwa mioyo yabona yeminde, kuli taluso ya mwa mulaho wa lizoho lani ibe ye tezi. Lumeleza cwalo, Mulena. Folisa bakuli. Katulusa baba katezi. Kufa tabo kwa ku ba banyandile. Ufe kozo ku baba katezi, sico ku baba lapile, mezi ku ba ba na ni linyolwa, tabo ku baba siamezwi, mata kwa keleke. Mulena, tisa Jesu mwahala luna busihu boo, sina ha lu bata kuca mulalelo o yemela mubili wa Hae o lobehile. Lwa lapela, Mulena, kuli A lu potele ka nzila ye ipitezi.

43 Fuyola kopano nyana ye, mulisana wa yona ya latwa, Muzwale Neville ni lubasi lwa hae, ni madikoni, basepahali, ni mutu kaufela yaliteni. Fuyola babañwi, Mulena, mwahala lifasi kaufela, baba libelezi ka tabo ya kutaha kwa Mulena, malambi atuke, ni mingomo yetushana musi kaufela tapiswe, mi Liseli la Evangeli libenye mwa libaka ze lififi.

44 Cwale, ni tuse, Mulena, ka Manzwi alikani aa. Li fuyole halunze lu Li bala, mi ulufe taba yateni, kakuli lwa likupa ka Libizo la Jesu. Amen.

45 Cwale lwakona kuapula mwa Buka, kwa kauhanyo ya 6 ya Muhalalehi Joani, mi ikona kuba hande haiba kaufela luna lu bala kauhanyo ye kaufela lu sa yofita fela kwa malapa. Ni tabela kubala, kukalela fa timana ya 47, kushetumuka ni fa 59, hamoho cwalo, ka mukwa fela wa kuyaha tuto fa: *Mulalelo*.

Jesu wa bulela cwale, kwa mukiti. Neli nako yende, ona mikiti ye neili cwalo. Neba nilwe mezi a mwa licwe, ili kuyemela Licwe lene lili mwa lihalaupa. Mi ba ca, manna yene wile myaha ye mianda anda kwa mulaho, mwa kupuzo. Neli fela mukiti wa paseka, sina mo lubezi ni ona busihu boo.

Kaniti, niti, Ni li ku mina, Ya lumela ku na una ni bupilo bobusafeli.

Kina sinkwa sa bupilo sani.

Bo ndata mina ba cile manna mwa lihalaupa, mi ba shwile.

Se ki sinkwa se si zwile kwa lihalimu, kuli mutu a ca ku sona, haana ku shwa.

Ki na sinkwa se sipila se si zwile kwa lihalimu: mutu ha ca kwa sinkwa se, u ka pila kamita: mi sinkwa se Ni ka fa ki nama yaka, ye Ni kafa kwa bupilo bwa lifasi.

Majuda kabakaleo ba ipulelisa mwahala bona, bali, Muuna yo aka lufa cwani nama ya hae kuli lu ce?

Mi Jesu ali ku bona, Kaniti, niti, Ni li ku mina, Kwanda kuli muce nama ya Mwana mutu, ni kunwa Mali a Hae, hamuna Bupilo.

Kaufela ya ca nama yaka, ni kunwa mali a ka, una ni bupilo bobusafeli; mi Ni ka mu zusa ka lizazi la mafelelezo.

Kakuli mubili waka ki nama luli, mi mali aka ki sino luli.

Ya ca nama ya ka, mi a nwa mali a ka, u inzi ku na, ni Na ku yena.

Sina Ndate ya pila ha ni lumile, ni kuli Ni pila ka Ndate: ni cwalo ya ifepa ka na, uka pila ka na.

Se kona sinkwa se si zwile kwa lihalimu: isiñi mo ba cezi manna bashemi ba mina, mi ba shwile: kono ya ca . . . sinkwa se u ka pila kamita.

Litaba zeo a libulela ali mwa sinagoge, inza luta mwa Kapernauma.

⁴⁶ Mi Mulena afuyole Linzwi la Hae. Ni bata kuli, ka mizuzu fela yelikani, niamble fa: *Mulalelo*. Kana linzwi la kuli *mulalelo* litalusa sikamañi? *Kuikabota* sitalusa “ku bulela.” Kuba, ni . . . *Mulalelo* luli italusa “kuba ni kopano, kuikambota ni yomuñwi.” Ha u ambola fa foni ni mutu, u isa ngambolo ku yena, musweli kuikambota ni yomuñwi. Mi haiba lu lukela kutaha kwa tuko ni kuyema kwa mulaho wa muyaho, mutu kaufela ni mulisana, kamba batu bababeli kaufela, basweli ku ikambotana ni yomuñwi.

⁴⁷ Cwale, ha mu amboli ka redio, kakuli hamukoni ku alaba ni kubuza, kamba televishini. Kono cwale . . . Mwakona kuleka luwaile, kakuli musweli kuambola ni mutu, foo ha ki alimuñwi fela ya bulela. Ku cwalo . . . Ha nikoni ku ambola ni mina cwale, kakuli ha mu ni alabi. Kacwalo, he, ha ki kutaha ku to utwa mukutazi inza bulela liñusa la hae. Zeo halikoni kuba cwalo, kutaha hamoho, ku to ikambota. *Mulalelo* ha ukoni kuba cwalo . . . Haiba mutaha fela ku to ambola ni mukutazi, ne mu ka mubizeza kwa tuko, kamba mutu ufi kaufela, ni kuambola ni yena abe muuna kamba musali.

⁴⁸ Kono se lutaha kusona, *mulalelo*, ki kuli mañi ni mañi wa luna ka bu luna lu ikambote ni Kreste. Woo kona *mulalelo*. Mi, kuikambota ha ki mutu *alimuñwi* yasweli kumbombola, luna kwanu inge lusweli fela kubulela, kono kulibeleda ni kubona Sa bulela ku luna.

⁴⁹ Cwale, foo kona ona foo, linako zeñata, luli lu ezanga mafosisa amatuna, kikuli, lu bulelanga hahulu mi ha lu libelelangi ni ku Mufa sibaka kuli alu alabe. Fokuñwi luezanga cwana, kuli, “Mulena, Ni bata kuli U eze sa *kuli-ni-kuli* ni sa *kuli-ni-kuli*, amen,” ni kuanuha kuya. Cwale, koo shangwe ha ki kuikambota. Koo ki ku yo kupa kushemubiwa. Kono ha u ina nako yetelele luli kufitela A ku alabe, foo kona fo kubela *mulalelo*, ku ikambota ni Mulena. Cwale, nzila yetuna ya kuikambota ka yona, ki ku lumelelana, mu swanela ku lumelelana fa litaba zeñwi. Cwale, mi kinto yenca kuli linako zeñwi ha lu banga ni lika zeo . . .

⁵⁰ Kuca kwa zamaelela hande ni zona. Cwale, munge sicaba sa ba pisinisi, ha ba bata kueza musebezi, baka memela mutu kuya kwa *mulalelo* manzibwana cwalo. Mi ha se bainzi fafasi nze ba ca, mi ni ku ambolisana. Muuna yomunde wa pisinisi, hañata hakoni ku ambola ni mutu mba ya hae ili mukungulu. Ki hande ku libelela kufitela a i kutwa hande, ni kasamulaho amano ba ni mukushuko wa hae. U sike wa nanuha fateni ni ku mu zusa

mwa mumbeta ku mu bulelela nto yo lukela ku mu lekisa, kono mulibelele kufitela aba ni mukushuko wa hae mi—mi aine hande mwa buino.

⁵¹ Zazi leliñwi, ne ni kutaza za musali ya na tapisa mahutu a Jesu, kwani kwa Canada Ne ni ambola cwana, ne ni bulela kuli muenyi ha na taha ku to potela mutu, mutu yo nana ni likalulo kalulo za na lukela kufita kuzona a si ka ikutwa kale kuswanela ku to pota, kamba, ku to ikambota. Poto ki ngambolo. Cwale, ukona ku taha kwa . . . U ka memiwa, pili ne u na ni ku memiwa. Mi kipeto u taha kwa sikwalo mi mutapisi wa kwa mautu akutapise kwa mahutu, kakuli ku zamaya, no nani munko wa—wa lifolofolo ni zeñwi cwalo mwahala musipili. Kaufela bona . . . batu ne ba zamaya mwa linzila zeswana ni lifolofolo, mi—mi nekubanga munko ni liluli, mi minganjo ya ma Palestinianian ne i lwala liluli ni ku li kakatelisa kwa mufufuzo wa mahutu, ni kwa sifateho fo ne ku sa apeswi, mi—mi ni kwa mazoho. Mi—mi ne ba ba inisa ba munyako, mutapisi na ezanga cwalo, mi kipeto utapisa mahutu abona. Mi cwale muuna yomuñwi na yema fani ni taulo hamoho ni—ni tubana, kipeto wa fafaleza tubana ya alabastere yeo fa mazoho, ni kupukuta sina *cwana*, mi—mi ni kuitoza kwa sifateho sa hae, mi ni kunga taulo ni ku i taulisa yona. Zani ne li lwezi masila kaufela mufuli ni munko. Mi neli taba yeñwi ye ne na ni maikuto a kukatuluha, inge mulyani wa mwa milili, mi ne ba ikutwa ku batelwa hande.

⁵² Mi cwale ha na kena mwahali, isiñi ni makatulo a hao atezi masila, masila amande ani, nebana ni amasisani fela, inge nyatela nyana, mi ba ka zamaya ni yona. Mi cwale mu—mu muenyi na kena mwahali mi—mi muña mukiti wa—wa mu tubeta kuli muamuhezwi. Mi, mwabona, ha ukoni kutabela kuli muña mukiti a kutubete inge ununka mufufuzo. Ha ukoni kutabela kuhatikela fa masila inge u na ni masila. Mi kipeto muña mukiti u kutubeta kuli u amuhezwi, mi kipeto u ikuta kuba alimuñwi wa baba mwandu.

⁵³ Mi, cwale, Mulimu una ni lika ze cwalo. Lu si ka itukisa kale mulalelo wa Mulimu, luswanela pili kutapiswa ka mezi a Linzwi. Kauhano, mezi a kauhano alu kauhanya kwa libi zaluna kamukana. Cwale, sa pili, ha ukoni kubulela ku Mulimu mi haukoni kuambola ni Mulimu, mi kuna ni . . . Pili, una ni kubakela so eize, kakuli ha u koni kulumela hande konji hausweli kubaka, “Mulena, swalela ku sa lumela kwa ka.” Mwabona? “Swalela ku sa lumela kwaka.” U lukela kubaka, pili. Mi, ha u bakile, kipeto uya . . . libi za hao za kale za swalelwa, fohe kipeto uba ya swanela ku kolobezwa. Cwale, mi ki Ha sepisa Moya o Kenile, kasamulaho wa kolobezo.

⁵⁴ Cwale, taba ki yatani, ki kuli, fa kuikambota kwa, lu fumana kuli nekuna ni mu—mu mutapisi wa kwa mahutu ni lika ze ne

zamaelela ni zona, hape, kuli atapise mahutu aluna, kuba sisupo sa kukena kwa Moya o Kenile.

⁵⁵ Cwale, he, ku lukela kuba maikuto a lumelelana. Haiba mwa hohana ni—ni muña mukiti, kipeto hamukoni ku—ku kuutwana mwa ngambolo. Batili, ha—ha ukoni kueza cwalo, kakuli u kananisana ni yena. Kono haiba u mwa tumelelano, konakuli mwakona ku ikambota. Kona mo kuinezi ha lu taha kwa tafule ya Mulena, luna ni kuba mwa tumelelano ni Linzwi la Hae. Mwabona? Lu lukela kupepwa sinca, Moya wa Mulimu ku luna o bulela kuli “amen” kwa Linzwi kaufela la Na ñozi, kona kuli lwa kona kuikambota ni Yena.

⁵⁶ Ye kona sepo yeluna ni Mulimu, lipilu zaluna ha li sa lu nyazi, kipeto lutambuzi kushemubiwa ki Mulimu. Lu ziba kuli luka amuhela likupo za luna ni litapelo za luna, kakuli lipilu za luna ha li lu nyazi. Cwale, haiba Mulimu ulu bulelela kuli lu lukela kupepwa sinca, mi ha lu si ka amuhela kupepwa ko kunca, kipeto lu kaikutwa maswabi nyana kuli luzamaye, lu Mu kupe sika kaufela, mwabona, kakuli lu ziba kuli ha lu si ka fita fa linepo za Hae. Taba yateni fela ki tapelo ya muezalibi. Kono lu ambola ni Yena ha luli mwa kutwano ni Yena, sani sitisa mulalelo.

⁵⁷ Cwale, se si talusa mulalelo, Ni tabela kutatulula fa nako nyana. Cwale, lu nge, se lu biza kuli *mulalelo*, ki sinkwa ni veine. Cwale, zeo libeilwe ka mayemo asi ona kufitela mane ha li sa swanela neba kuambola fateni. Oh, zeo mo se li lyanganiselizwe mwahala lilimo! Wani luli ha ki mulalelo, koo ki kubuluka fela taelo. Mwabona? Cwale, libaka le lu i bizezanga kuli mulalelo, kakuli i zwile ku ba katengo ka ba Katolika ka kuba “Silalu se si Kenile, ili ona mubili wa Mulena Jesu.” Kono ha ki mubili wa Mulena Jesu! Fela ki kupuzo ya mubili wa Hae.

⁵⁸ Hanina taba kamba ki baprisita ba bakai kamba bakutazi, kamba ki mañi kaufela ya ka fuyola zeo, i sali sinkwa ni veine. Hakuna muprisita sina luna mo . . . ba lu bulelela, kuli, “Mulimu u tamehule ku teezeza ku muprisita ha ka fetula mulalelo,” se ba biza kuli mulalelo, “ili Silalu, kuba mwa mubili tenyene wa Mulena Jesu. Kipeto mulumeli u ca sani, mi wani bali kona mulalelo.” Ao ki mafosisa!

⁵⁹ *Kuambola* ki “kubulela ni yomuñwi, kuikambota ni mutu, nto yokona kubulela ni yona mi ni yona i ku ambolise.” Koo kona kuikambota. Silalu ha si koni kubulela. Kacwalo, luli, mulalelo wa niti ki Moya o Kenile o kona kubulela. Ha u Mu buza, kipeto U ka alaba, ona woo kona mulalelo o lukile. Ye ki kupuzo, kunga . . . ya ku takiswa kwa Hae ni zuho ya Hae, mi isiñi mulalelo. Kona mo lu ubizeza, kono ha u cwalo. Li zwelezi kwa keleke ya Katolika, za kucanga silalu sina mo ne lu fitezi kuzona zazi leliñwi mwa mukoloko wa zona, ni kubulela zateni ka za *Buhedeni Kulwanisana Ni Bukreste*.

60 “Kuli mane kona kaemba ka sinkwa kani kabe mubili tenyene wa Kreste.” Cwale, keleke ya Katolika i lumela ona cwalo. Kana mukile mwa lemuha, ka kufita mwa keleke, ba silana, ni kutina likuwani ka kunyanyabeka, ni zeñwi cwalo? Ha ki keleke, kona kankwa kani mwani, “mubili wa fetuzi muprisita kwa ka mbisikiti kuya ni kuba mubili tenyene wa Kreste,” kanti neba lipeba ni mindunyu zakona ku i kungela kona. Kiñi, ha mu lukeli, kunahana zamwatasi hahulu cwalo mi mu nahane kuli siemba sa sinkwa sikona kuba mubili wa Mulena Jesu! Haku konahali kuba cwalo.

61 *Mulalelo* ki “kuambola, mi wa bulela hape, sika so ambolisa.” Lona linzwi luli la *kuambola* litalusa “kubulela ni yomumu,” kamba, “kuba mwa swalisano ni se si ambola ni wena.” Mi ni Mulimu wa ku bulelisa, mulalelo. Mi isali buhobe ni veine, ze lu biza kuli ki *mulalelo*.

62 Cwale, Jesu naize fa, sina ha Ni balile kuli, “Mubili wa ka ki nama ni sino, Mali a Ka, mubili ni Mali ki nama ni sino.”

63 Cwale, lu bata kunahana za Jesu ni ku twaelana ni Yena, sa Na li sona. Mubili wa Hae kinto mañi? Kana mubili wa Kreste ki nto mañi? Ki mubili wa balumeli o tamahani ni Yena mwa Moya o Kenile. Isiñi milimu ya maswaniso, isiñi siemba sa sinkwa, kono ki Moya oli mwa pilu ya mulumeli, mi ba swalisani hamoho, kuli haiba mutu ni Mulimu bakona ku ambola ku yomuñwi ni yomuñwi, bana ba bashimani ni basizana ba Mulimu. Mutu wa nama, ka kusuluha kwa Mali atisa swalelo ya sibi, mi muuna yo ni musali yoo, mushimani kamba musizana, baba ba ni kutwano ni Kreste, kona baba ikambota ni Yena, mubili.

64 Sina muuna ni musala hae hane ba inanga fafasi inge ba ikambota, kamba mushimani ni musizana wa hae, Kreste ni Keleke ya Hae ba tamahani hamoho. Kona ha lu kona ku teezeza ku Yena, ni kubona za kwapili li si ka fita kale fa, mi lwakona kunuha za kwapili kuli lipetehile, kakuli lu ambola ni Mulimu Ya sweli Kuyakuile mwa lizoho la Hae. Lu ikambota yomuñwi ni yomuñwi, Mubili wa Kreste, Mubili o patilwe wa kunutu wa Kreste. O si ka tamahana ni sika kaufela sa maswaniso a lapelwa, kamba sinkwa kamba ve—ve veine, kono ki mwa—mwa mufuta wa moya.

65 Cwale, Jesu na bulezi nto yeswana. Munge Muñoli Joani, kauhanyo ya 4, ha na ambola ni musali fa siliba, na sweli kuambola sika sakuli, “Bo kuku a luna neba nwile kwa liweluwelu le, mi ba kata lisima le, Jakobo, na—na file bana ba hae ni likomu za hae zkwa mezi a, mi U li, ‘Mu lapelele mwa muleneñi *omuñwi*,’ mi babañwi bali, ‘Mwa lilundu le.’”

66 Jesu sina—sina mwa na bulelezi, “Fa muzuzu fela! Luna lu Majuda, mi lwa ziba hande zeo, milapelo italusa. Kono aku teezeze ku se, musali tuwe. Nako ya taha, mi cwale se ikwanile, kuli balapeli ba niti ba lapele Mulimu ka Moya ni ka Niti.

‘Linzwi la Hao kona Niti.’ Mi Ndate u bata baba cwalo ku Mu lapela ka Moya ni ka Linzwi, ka Niti. ‘Linzwi la Hao kona Niti.’” Cwale, A bulelela cwalo musali.

⁶⁷ Mwabona, Kreste. . . Mulimu ki Moya. *Kreste* italusa “ya tozizwe, mutu ya tozizwe ki Mulimu,” ki ye ya Mu eza kuba Kreste. Cwale, Kreste naize, “Kina Sico ni Sino.” Isiñi ka mbisikiti, isiñi ka mbisikiti ko lu canga kwanu. Yani ha ki yena Kreste. Veine ye lu nwanga kwa aletare, ha ki Kreste. I Mu yemela fela, mwa mukwa wa sisupo kihona. Kono Kreste ki yena Moya o Kenile, tozo yeli fahalimwa Keleke, yani kona Nama ni Sino.

⁶⁸ Muhuwo omutuna hahulu o liteni mwa lifasi kaufela, Ni sepa kuli hakuna niyomukana wa mina yakile a u utwa fateni, kono, haiba mukile mwa u utwa, hakuna muhuwo okona kulikana ni sililo sa tala. Ha mubona musali muhulu ni mbututu wa hae, mi upalela kuzamaya u fokozi hahulu, ni mbututu wa hae inza shwa, ni mba ya hae yali ku luluha bakeñisa tala, mu ka utwa sililo sani se si zwelela kwa pilu ya mahe, mubona mbututu yani ni malama a yona ali kulamatela fa masapo, mi busisini bwa hae bwa benya telee, ha sa kona kueza lilata, mane, meto a hae a li kulutukela fande. Hakuna sililo se si swana sina sililo sa tala ni linyolwa.

⁶⁹ Kwande mwa mahalaupa, ki batu babakai baba latehezwi ki bupilo bwa bona kwa linyolwa! Makande amañata, ao Ni kona ku mi buluka busihu kaufela, makande a niti a lihalaupa. Kuli ha u ba ni. . . ha u twa linyolwa, mo diabolosi akufela mu—mu bonelo wa mbengenge. Mu li boni kwanu, ha mu lukeli kuya kwa Wiko ku yo li bona. Zamaya mwa mukwakwa, mi ku bonahala kuli kuna ni mezi mwahala nzila. Mañi ni mañi wa mina uboni fateni zeo, yakile a zamaisa mota ni kuba mwa nzila. Yani ki pono ya butaha. Kwanu nako yeñwi ya kwa mulaho, mwendi ki myaha yemilalu kamba yemine kwa mulaho, Ne ni balile koo macikwi amañwi, na fufela mwa mishitu, abona mbengenge ya mezi a nanuha mwa nzila, ahupula kuli na wela mwa mezi. Mi a pancaka fela, ku yo nata fa licwe leliomelezi, inza hupula kuli aka lula mwa mezi, ki pono ye puma.

⁷⁰ Ki linako zekai diabolosi ha ezize taba yeswana yeo kwa sicaba, ku bafa pono ya buhata, kanti, mane hakuna sika, kono fela ki tumelo ya kuinahanela fela. Kacwalo batu babañata kacenu bana ni bulapeli bwa ku inahanela fela, kulika kueza sesiñwi kamba ku ikankabeka kuli kuna ni sesiñwi inge kusina! Sina musali nyana wa mulumiwa mwa na bulelezi kuli na libelezi kufitela aikolwisisa. Kihande lu eze cwalo. Haukoni kukuta ni kulika hape. Una ni kolo iliñwi, mi una ni Buka ye supeza, kona kuli kihande lu zamaye ku ze ñozwi.

⁷¹ Sililo sa tala, amuteeleze, ki sililo sesituna kakuli ki sililo sa sitongo luli. Mutu fo ki ha shwa. Mi, oh, haiba lukona kufita fa sibaka seo, haiba naha ye yakona kufita fa sibaka sa kuli iba

ni tala hahulu ya Mulimu! I mwa butata luli bwa tala kufita linaha za bo India baba bulaiwa ki tala ya nama, naha ye i lapile ka moya. Kono kasamulaho wakuba ni tala fa nako yetelele, ifitanga fa kuli ha u ziba kuli una ni tala.

⁷² Kuswana fela sina kukangela. Ha u so fitile fahule hahulu, kukangela, u ka ba ni silami hahulu, mi kasamulaho nyana wa futumalelwa. Mi ha u eza cwalo, wa shwa! Mi boo kona butata busihu bwa kacenu. Likeleke se li batile hahulu kuli mane se li kangela, mi ba nahana kuli na futumala, ka kuatisa kwa palo, mi basweli kushwa ka moya. Kushwa! Ha ba zibi. Ka kufeleleza, ha yo lobala, kipeto li felela ona foo. Ha sebezi neba hanyinyani, kakuli mali a hae a kangezi mwa misinga ya hae.

⁷³ Cwale, ni nyolezwi. Jesu naize, “Mali a ka ki sino luli.” Haiba una ni tala ya bupilo, u lapile ka bupilo, Jesu una ni ona mezi akona kufeza linyolwa leo. “Mutahe ku Na, mina kamukana ba ba katezi ba ba imezwi.” Haili mwa Sinulo, ku izwe, “Yana ni linyolwa atahe kwa maweluwelu a mezi a Bupilo mi anwe mahala kusina tifo.” Haiba una ni linyolwa la Bupilo!

⁷⁴ Lu bona kuli baituti ba linaleli basweli ku bulela, fokuñwi mwa siemba sa makalelo se kamba kalulo yapili ya kweli, kukalela la tu kamba ka faifi, kamba zazi leliñwi mwahala kweli yee, baituti ba linaleli ba kwa India ne ba akalelize lifasi kuli lika panca mwa liembaemba. Mi ba mitende yamwa America baeza lisheha ka zona. Hani lumeli kuli lifasi lika pazauha mwa liemba emba, kono Ni bulela kuli ku fosahalile kuezza lisheha ka lona. Kakuli, sesiñwi si libelezi kuezahala leliñwi la mazazi aa, ki sika se si swana ni sani, linaleli zetuna ona mapulaneti abo, Mars, Jupiter ni Venus, ni—ni amañwi cwalo, alitaha mwa—mwa. . . Ha li si ka ba kale cwalo. Oh, ba bulela kuli mwendi ki myaha ye likiti ze mashumi amabeli ni zeketalizoho kwa mulaho, kono ki mañi yana liteni kwani kuli azibe zeo?

⁷⁵ Ni akaleza kuli ye ina ni muinelo wa za moya. Ni lumela kuli ki kutaha kwa taba ya Mulimu, kuli sinulo yetuna ya Linzwi ika kwaluha ka nako ye. Muhupule, ba bulela kuli neli linaleli zetalu ze ne tile mwa linzila za zona nako ya pepwa Jesu. Mi ye ki faifi, faifi ki muhau, nombolo ya muhau. Bulalu ki nombolo ya kupetahala. Faifi ki nombolo ya muhau, J-e-s-u, m-u-h-a-u, t-u-m-e-l-o, ni zeñwi cwalo. Nombolo ya muhau! Mulimu kamita u lumanga mata a Hae kwa keleke, ikaba muhau wa Hae, haina kuba ku utwela kwa sicaba. Mi Isaya naize, mwa kauhanyo ya 40, ka mo “na lilela kwa Jerusalema, kuli ndwa ya hae ne ifelile,” ibo nana ni mulatu wa bulapeli bwa milimu, kono neli muhau wa Mulimu ono li luma. Mulimu ulumanga sika kaufela ku luna, ikaba muhau wa Hae mi isi misebezi ya luna. Kacwalo, ikona kutalusa nto yeñwi. Ni akaleza kuli ku kaba cinceho. Hani zibi mo ku ka bela, kono Ni lumela kuli li ka ezahala. Lu inzi fa . . . lu kwa mafelelezo azona cwale.

⁷⁶ Mi haiba mutu una ni tala, a tahe ku Kreste. Mutu ha na ni linyolwa, ha tahe ku Kreste. U feza linyolwa. Ki yena Mukulisi wa linyolwa la luna kaufela ni tala.

⁷⁷ Ne nina ni likande lene ni bulelezwi linako za kwa mulaho. Hakulata ne ni libulezi likande lateni mwa keleke mo. Haiba Ni kile na libulela, mu ka ni swalela ka ku likutela kuli ni bonise fela nto yeñwi. Neku na ni muzamaisi wa mu Indian, kamba, mufuta wa mutoneli wa ma Indian. Na zamaya mwa mushitu wa Navajo, mi ki sa, lateha. Libizo la hae neli Coy. Mi na sweli kuzamaya mwa kanzila, kanzila ka lifolofolo, mi ahupula kuli, “Cwale, haiba Ni fita mwa kanzila ka, Ni ka fumana mezi luli.” Mi pelesa ye neishwile hahulu linyolwa kuli mane lulimi lwa yona lwa labukela fande, luomelezi, lingo ne li fetuhile kueza bufubelu ni kutala fela lishabati. Na ikapesize kasila fa sifateho mwa liñungwa la lishabati kufitela itala fela lishabati, mi na sutelela bukaufi ni kushwa, kubata mezi. Mi na isa pelesa ya hae ha yo fita mwa kanzila. Mi ki hali, ha na pahami fa pelesa abona kanzila ka lifolofolo kani, ali, “Luli kaka ni isa kwa mezi.” Kacwalo atula kuzwa fa sipiula sa pelesa ni ku kala kulatelela kanzila kani.

⁷⁸ Mi ni yona pelesa ya ziba hape kuli ne ili mwa kanzila kaka liba kwa mezi. Mulimu mwa felanga ngana ye lemuha lika neba kwa libatana! Mi ki yeo mwa kanzila kani yaikela. Kwa mafefezezo, kusikuluha fela nyana kwa neku leliñwi, kwatuko nyana fela ni nzila yateni. Pelesa ya bata kusikuluhela neku lani, kono Coy a hupula ka kushutana. Na lika kuibeya mwa kanzila kene ka sheuzwi kale, mi akala kulibisa pelesa ya hae cwalo kwateni kono pelesa ya batu ya hana. A i coña ka lihutu, mi ya lila ni kukala kuya ka nzila isili. Mi ya kala kutakisa. Ne isina mata kuli i mu wiseze fafasi.

⁷⁹ Kona kuli akalisa ku itabaka ka makatulo a hae hape, kufitela a seha pelesa ya hae, na tabile hahulu kuli afite kwa mezi, bupilo bwa hae ne bu ka bukelezwa, kufitela pelesa iyema, ya njanja, inge ilota mali. Mi ya talima fafasi, kutalima fafasi cwalo, inge injanja ona cwalo mane kubata kuwa mwatasi a hae. A talima fafasi ku yona, ni kubona mali kwa neku la makupo ayona. Nali Mukreste. Mi ki hali kwa pelesa ya hae, ki hali, “Ni bile ni utwanga kuli lifolofolo... kamba, libatana lina ni maikuto a kunahana. Ne ku sa bonahali kuli mufapuhelo wani no isa kwa mezi. Kubonahala kuli nzila tuna ye iliba ko li nwelanga mezi nako kaufela, kono,” ali, “haiba u ni lwezi ka kusepahala ku to fita fa, Ni ka latela munahano wa hao.”

⁸⁰ Oh, mo Ni nahanela ka zeo ka Kreste! Nzila ye isa kwa sinyeho i zibahalizwe ni kubeiwa lisupo nzila kaufela, kono kuna ni nzila yesisani yeliba kwa Bupilo. Ki babanyinyani baba I fumana. Fela, isiñi maikuto, kono Moya o Kenile kona o ka ku

libisa kwa mezi a Bupilo ani. Na sepa, U ni zamaisize hande kutofita fa, Ni ka ya ni Ona mwa musipili kaufela o siyezi.

⁸¹ Ka kufeza likande, na—na si ka ya licika la maili, kufitela, ka nako iliñwi fela, pizi ye sepahala ya kena mwa musima omutuna wa mezi. Pelesa yani ne iziba ze ne ibulela, ze ne italusa ka nzila ya yona ya mubulelelo wateni ku—ku mupahami. A yo fita mwani. Ali asela mezi mwa ngo ya pelesa ye. A tapa, a huwaka ni ku kalumuka, mi nasweli fela kuhuweleza ka kutiisa linzwi la hae fahalimu, ni ku sela mezi fa mumizo wa hae, ni kuhuwa kuli, “Lu pilile! Lu pilile! Lu pilile!” Mi pelesa, ya nwa, ni kunjanja. Mi atalima kwa makupo ayona kone kulota mali, ana zwelela fa mañiba a makatulo a hae.

⁸² Mi ali ona fani fela, ki hali. . . autwa mutu ya li, “Zwa mwa mezi.” Mi a talima, ne ku yemi mushimani yana bonahala bumaswe mulisana fani. Mi azwa mwa mezi. A li na nunka mulilo, mi atalima fabuse, mi nekuna ni sikwta sa baana bene ba kubukani kwani. Ne baile kwa kubata butale ka mo ne ba tinezi. Ne ba katile gauda, mi ha ne ba kuta cwalo ne ba li ni lipelesa zabona ni kulwala lipelesa hamoho, mi ba taha ku to potela simbotela sa mezi mi ne ba ikatulusa, mi kaufela bona ba kolwa.

⁸³ Mi ali nebana ni tateha nama yamwa mushitu, mi a ca ni bona. Mi ali, alimuñwi wa bona ali, “Aku nwe.” A ba bulelela yo nali yena, neli Jack Coy, mu—mu muzamaisi wa mu Indian. Kacwalo ki hali, “Kihande, cwale, aku nwe.”

Ki hali, “Batili,” mi ali, “Ha ni nwangi.”

⁸⁴ Mi zeo cwale liswana inge litapa kwa batu bani. Kacwalo ba li, “U ka nwa ze lu kufa!”

Ki hali, “Batili, ha Ni nwangi.”

⁸⁵ Kacwalo a yumba sinwelo mwahali, mi ali, “Kifo aku nwe!” Inge bakozwi, kaufela bona, mwa ziba, mwendi neli baba silezi cwalo.

Mi kacwalo ali, “Ni itumezi, bashimani.”

⁸⁶ Ali, “Haiba nama yaluna ki yende ha i ciwa, kona kuli ni bucwala bwaluna ki bo bunde ha bu nwiwa.”

⁸⁷ Mi mwa ziba mo ba inezi, macakolwa. Mi ki hali, “Batili,” a bulela.

⁸⁸ Mi ba kunupa malumo mwa tobolo, mi bali, “Cwale u ka nwa kamba ku si cwalo!”

⁸⁹ Ki hali, “Batili. Batili, Ha nina kunwa.” Mi akalisa ku mu supa tobolo. Ali, “Fa nako fela.” Ali, “Ha ni sabi kushwa.” Ki hali, “Ha—Ha ni sabi ku shwa.” Ki hali, “Kono Ni—Ni bata ku mi bulelela likande laka Ni si ka nwa kale, libaka le Ni sa nweli.” Ali, “Ni mu Kentuckian.” Ki hali, “Mi mwa kandu ka mabala kaka nyinyani kakusasana omuñwi, ko ne ku shwezi boma, ba ni

bizeza kwa mumbeta wa bona, mi bali, 'Jack, ndataho na shwile ni sikocela sa makadi mwa lizoho la hae, fa tafule, inza kozwi.' Mi ali, 'Usike wa nwa, Jack, kaufela so eza.'" Mi ali, "Fa pata ya boma Na beya mazoho aka. Mi Na sepisa Mulimu, inge nili fela mushimani yomunyinyani, kuli Hanina kunwa neba hamu." Ki hali, "Ha ni si ka nwa kale fateni." Mi ali, "Cwale haiba mubata ku kunupa, a mu kunupe cwale."

⁹⁰ Mi cakolwa a to nanula tobolo ya hae ni ku nepela mwahalimu komoki hape, ali, "Nga kamba Na ku kunupa!" Mi ona fani fela tobolo ya lila ni kupancisa komoki yani.

⁹¹ Kwa matuko a libala lani ne kuyemi mushimani yomunyinyani, yana sa bonahali hane, ni mioko fa malama a hae. Ki hali, "Jack, Ni na ni zwa kwa Kentucky. Ne ni file sepiso ku boma zazi leliñwi, kono Na to foseza sepiso yaka." Ki hali, "Ne ni libelela kufitela mitangana ba bakolwe zangana, mi ne ni ka bulaya sikwata sa bona kaufela, nihakuli cwalo, ninge gauda ye banani." Ki hali, "Kono Ni bile ya kozwi mi Ni ezize mafosisa. Kono," ali, "Ni ziba hande kuli tobolo yaka hane ika lila mwa libala la Lihalimu, boma neba ni utwile ha ni nyatela buitamo kuli ha Nina kueza cwalo hape." Mi kwani, ka sishemo sa Mulimu, a etelela sicaba sani kaufela ku Kreste, kaufela bona kulo kwani.

⁹² Mwabona, kuna ni nto yeñwi ka mezi, nto yeñwi ka kuncaafazwa. Taba yaka neli kuli, u fite kwa mezi ha una ni linyolwa. Kuna ni sesiñwi se si ezahala ku wena, ki kuya kwa mezi ha u na ni linyolwa.

⁹³ Cwale, ki Hali, "Ni mo siyela kozo ya Ka. Ni mifa kozo ya Ka." Isiñi sina lifasi mo li mi fela kozo, kono ki ka nzila Ya mifela kozo kayona. Kozo ya hae ifelisa linyolwa kaufela. Haiba lu bata kozo, kona kuli ha lu ikatuluseñi mnwa kozo ya Hae, ka kuziba kuli luna ni kozo ni Mulimu ka Mulena luna Jesu Kreste. Ki yena mufani wa Kozo yaluna ye felisa linyolwa laluna.

⁹⁴ Timana yebulela kuli, "Yena ki Nama luli ni Sino mwa niti." Nina ni zeni ñozi nyana fa, timana ya 57, "Nama kaniti ni Sino luli." Muteeleze sa Na bulezi faa.

Mi sina Ndate ya pila ha ni lumile, ni kuli ni pila ka Ndate Luli: ni cwalo ya ifepa ka na, u ka pila ka na.

⁹⁵ Ka manzwi amañwi, "Ndate u Ni lumile, mi Ni pila ka Yena. Mi mutu kaufela ya taha ku Kreste ulukela kupila ka Kreste." Oh, mawi, ki fo he cwale, woo kona mulalelo. Wo kona mulalelo wa niti o mufumana ha mu pila ka Kreste.

⁹⁶ Cwale, mibili ya luna i tokwa sico ni mezi zazi ni zazi, kuli ipile, mubili wa luna wa nama. Ha lu sa ci lico zazi ni zazi ni ku nwa, konakuli mubili wa luna uka fokola. Kuna ni sesiñwi ku luna se bata kuli lube ni lico. Lico za zazi leliñwi halina kufita ku lelitatama. U swanela kuba ni lico zazi ni zazi, kuli utiise mubili

hao wa butu. Wakona kupila cwalo, kono u fokozi. Mi habusa, u sa li ya fokola. Mi ka zazi la bulalu, uya uba ya fokola hahulu.

⁹⁷ Kihande, zeo kona ze luezanga linako zeñata mwa kalulo ya moya. Mwa bona, zazi ni zazi lu lukela ku ikambota ni Kreste. Lu swanela kuambola ni Yena zazi ni zazi. Lu swanela ku utwana ni Yena zazi ni zazi. Paulusi naize, “Ni shwa zazi ni zazi.” Mwabona? “Zazi ni zazi, Na shwa; kono Na pila, ha ki na kono Kreste yapila ku na.” Kacwalo, haiba mubili wa hao wa nama utokwa lico zazi ni zazi mi unwa zazi ni zazi, kuli u pile, mubili wa hao wa moya utokwa Sico sa moya ni kuikambota ni Mulena zazi ni zazi, kuli upile. Eeni. Jesu naize, “Mutu hana kupila buhobe fela, kono ka Linzwi kaufela le li zwelela mwa mulomo wa Mulimu.” Kacwalo, zazi ni zazi lu lukela kubala Bibebe. Batu babañwi ha ba I balangi neba hanyinyani. Babañwi ba Ipamulanga fela habeli kamba halalu mwa silimo. Kono, mulumeli wa niti, ya yahilwe ka moya, ubalanga Bibebe ya hae zazi ni zazi, ni ku bulela ni Mulena. Yeo ki niti. [Hakuna manzwi fa tepu—Mu.] Una ni kuezwa cwalo. “Mutu hana kupila ka buhobe fela, kono ni ka Linzwi kaufela le li zwelela mwa mulomo wa Mulimu.”

⁹⁸ Cwale, zeñwi ze lu celanga lico, ki kubupa mubili wo kuli usike wa tasezwa ki matuku. Ha u sa ci lico, mi utuhela fela mubili wa hao uba o fokola, kipeto u ka kenelwa ki matuku. Matuku aka kena mane kufita ni mwa mali, mi kipeto foo u i congile. Haiba mali a hao ha si ka tiya ni kuba amande, kihande, kona kuli ikaba kuli, matuku aka ikenela fela mwa misinga ya mali kanti. Kacwalo u lukela kuca lico ze matafaza kuli mali a hao abe aiketile. Ha u sa ezi cwalo, uka yambula matuku kapili. Kona se sili butata ni Bakreste babañata.

⁹⁹ Inge limela ze calwa mwa mandu. Mwa ziba, mu zwise simela mwa ndu mo si cezwi, mu na ni ku si tokomela. Ha si zibi buino bwa moya. Ha si zibi mufutumala wa lizazi ni lika zeñwi, si apesizwe kai ni kai ni ku beka bekiwa. Mi boo kona butata bobuli ni Bakreste babañata sina mo ba ipizeza, ki limela ze cezwi mwa ndu. Yeo ki niti, lina ni kukatazwa ki likokwani kaufela zetaha! Mwa ziba, fela ki—ki. . . Fela ki—ki limela ze bunolo hahulu kona ze lukela ku selaelwa milyani, kamba, limela za mazwake.

¹⁰⁰ Mwa ziba, munge komu ya ba hereford ni ku tamulula kuli ifule bucwani, ni kuisa fateni komu ya mwa hae ni manaka amatelele, komu yamwa hae yani yakona kuipumanela nzila ya yona kakuli ipepilwe ona cwalo. Kono munge ya ba Brangus kamba yaba Hereford yeo ki ye kopanyizwe ni ya mazwake, ki komu yende ha i talimwa, luli, inunile mi ina ni mubili hande, kono ha mu li ise kwande, halikoni ku ipumanela nzila. Li ka shwa! Liswanela ku babalelwa. Mwabona?

¹⁰¹ Mi boo kona butata kacenu, luna ni Bakreste baba apezi hande, likeleke zetuna, ni buñata bwa—bwa tuto, buñata bwa

lituto za bulapeli, kono ba swanela ku kombelelwa nako kaufela, muna ni kutalima mwa siponi sa bona kusi cwalo hamuna kubona neba hanyinyani. Se lutokwa ki Bakreste ba luli baba pepilwe ona cwalo, baba pepezwi mwatasa Mali a Mulena Jesu, baba sa pili ka lituto za litumelo, kono kuzwa mwa Linzwi la Mulimu, mulalelo ni Kreste. Linzwi ha litaha ku mulumeli, mubili wa—wa hae wa moya wa hayiwa. Ha ki mbututu ya utelwa fela mwandu!

¹⁰² Nekuna ni mukutazi yomuñwi ya na bulezi kacenu, Ne ni mu utwile, na bulezi cwalo fa silimba, mi abulela, kuli ha na tile mwa naha ye, nana ni butata bwa libelenge, mi ne ba ambola za ku mu pazula. Mi ba bulela kuli neba ka eza *se* ni *sani*, ni ku mu pazula kuli ba bone mwahali, ni ku sehualal likalulo ze tisa libelenge, ze ne ka tibisa sifateho sa hae, ni zeñwi cwalo. Mi abulela kuli na lwezi milyani mwa muyengo. Ne kubonahala inge kuli nekuna ni milyani yemiñata hahulu ya na nwile. Kono cwale hana tile ku dokota yomunde wa Mukreste, mualafi sali, “Ha lu libaleñi ma pilusi ni kulibala za kupazuliwa, mi ha lu bupeñi mubili kuli ukone kuhana kuyambula matuku atiseza libelenge isali ona.” Kipeto kufelile!

¹⁰³ Ki butata mañi bo batu haba sa pili mo ne ba pilela? Luna ni kutabiwa ndonga ya *se*, ni ndonga ya *sani*, ni kuifafaleza ka milyani ya mifuta kaufela. Si eza sikamañi? Za lu nolofaza, lwa nuna, litalo kulepelela, kufela bunde. Kanti mutu wa kwa kale koo . . . Kiñi, luswala swala fela matuku a lika kaufela. Cwale se bana ni buino bo buyambula fela matuku ni lika zeñwi kaufela.

¹⁰⁴ Ne ni yemi mwa Africa, ne ni si ka tabiwa ndonga butuku bwa malaria. Kono munañi wa malaria no ni lula kwa mazoho, Ne ni kaba ni malaria. Haina mulumo, mane ha mukoni ku ziba. Ba monyeha, ba ka monyeha fela, kipeto, mubile ni zona. Haiba upila, ukaba ni zona ka myaha ye fifitini. Mi fokuñwi wa shwa ni zona. Mi nekuna ni bañi ba naha mwa tushandi, minañi ya li kutala kwa mahutu abona, bali kuina fela mapunu. Minañi inge iba lamatezi, minañi ya malaria, kono ne i sa ba bilaezoi. Kiñi? Ne ba na ni zene bacanga. Nebana ni ndonga ye tabiwa ki Mulimu.

¹⁰⁵ Mi boo kona butata kacenu ni batu. Boo kona butata bobuli mwa keleke. Luna ni lindonga zeñata hahulu za limbututu ni lituto za bulapeli za ipangezi mutu, kufitela lufafalezwa mubili kaufela. Se lutokwa ki mulyani wa Mulimu ka Linzwi la Mulena Mulimu. Mutu uka pila zazi ni zazi ka mufuta wa Sico sani, kuyaha moyo wa hae fa mulyani kuzwa kwa matuku a moya ye sweli kububa ni ku shimbuluka mwa naha. Nina ni litaba zeñata fa taba ye, kono Ni ka tuhela.

¹⁰⁶ Cwale, mu bupiwe, mu itukiseleze kutabiwa ndonga. Cwale, lupila ka *se*, mibili yaluna—yaluna ilukela kuba ni *se*. Mi, haiba lu sa ezi cwalo kona kuli lu ka tasezwa ki matuku a mifuta

kaufela. Mi Linzwi la Mulimu, sina ha lu lumela ni ku Li amuhela ka mulalelo, “Mulena, Linzwi la Hao kona Niti.”

107 “Keleke ya hesu ili ha u lukeli kupepwa sinca. Ba li, ‘Kuswalana mwa mazoho kona ku pepwa sinca.’ Ba li, ‘Kufafaleza.’ Ba bulela lika zeñwi ze kaufela, ‘Kona cwalo, Ndate, Mwana ni Moya o Kenile.’” Kono Bibebe ibulezi kuli mu kolobezwe ka Libizo la Jesu Krete. Mwabona? Cwale, amuzwelepili ni lindonga zeo za buhata haiba mubata cwalo, mu ka i keza fela kuba Mukrete wa buhata kihona. Mwabona? Ha mu tokwi zeo.

108 Ha ukoni kuba ni Bupilo, konji fela ka Krete. Mi cwale ki sikamañi se lieza Linzwi la Hae? Li yaha mubili wa luna wa moya, o tiile, hanze lu ambola ni Yena, kuli lu hanele diabulosi.

109 Mu li, “Muzwale Branham, ki sikamañi so bulela kuli, ‘kuikambota mwa Linzwi la Hae?’”

110 Eeni, ki Yena Linzwi. “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.” Mi lu lukela kuca mubili wa Hae. Konakuli mubili wa Hae ki Linzwi la Hae, kakuli Yena ki Linzwi. Mi Na ize, ku Muñoli Joani 15, “Ha muina ku Na, ni mulalelo wa Ka, Linzwi la Ka, li ina ku mina, konakuli mwakona kukupa se mu lakaza mi si ka mi ezezwa.” Ki fo he cwale. Yeo ki niti. Mwabona, mukupe se mu lakaza!

111 Ki sikamañi so eza? U yaha mubili wa hao kwa kutabiwa ku za. . . Kuna ni ya kena mi ali, “Oh, keleke ya luna ha i lumeli mwa kuhuwa.” Mwabona, mwa yahiwa hande. Sikamañi? Muna ni mulalelo ku mina, lona Linzwi. Mi mu filwe mulyani ka zona. Haiba sikwata sa bukuba si taha mwateni, ki sikamañi seo? Hasina Linzwi ku sona, konakuli u ziba kuli li fosahalile. Hanina taba kamba si bonahala cwani kuba sa niti, haiba ha ki Linzwi si siye fela kihona. Luli, mu li tuhele ona cwalo. Hanina taba ka se si ezahala, sina ni kubapiswa kwa Linzwi!

112 Mwa tapelo, sina ha ne Ni bulela za Mikaya hana yemi fani, atalima, ne li bonahala fela kuluka, kanti ni Isilaele naliteni, mi siemba sa mubu sani neli sa bona. Bazwahule bani ne ba tile ku to hapa ni kuyaha mandu abona fateni, mi neba pila mwa sibaka sa naha yeo Mulimu na ba file. Kona kuli ne kwa bonahala inge kuli baplofita ba ba myanda yemine bani ba Maheberu ne ba bulela niti. Kono, mwa ziba, nekuna ni sesiñwi ka Jehoshafati sene sili sa moya, ki ali, “Kana ha una yomuñwi?”

113 Ali, “Ni na ni yomuñwi, kono,” ali, “Ni mu toile. Taba fela ya ziba ki kupolofitanga bumaswe.”

Ali, “Zamaya u yo mu biza mi lu to i kutwela yena.”

114 Mi ki ha ya, a li, “Zamaya, kambama u zamaye, kono Ni boni Isilaele ahasani sina lingu ze sina mulisana.” Mi cwale a bulela pono ya hae.

115 Cwale, ki ya mañi yeneli niti? Ne ku bonahala inge kuli baba myanda yemine ne ba bulela niti. Baana baba mianda yemine baba lutilwe hande, bali, “Zamaya ukambame, Mulena una ni wena.” Mi mane neba Zedekia nana ni—ni—ni—ni yena. . . Zedekia nana ni manaka amabeli a sipi ana lezize. Ki hali, “Ka se uka kasha bazwahule kuzwa mwa naha.” Na ziba hande kuli na bulela niti. Na zibile kuli na lukile. Kono, mwa bona, na fosa.

116 Mi fa, Mikaya, alimuñwi kulwanisana ni baba mianda yemine, mi ki hali, “Haiba u ya, Isilaele uka hasana, kusina mulisana.”

117 Mi babañwi bali, “Zamaya ukambame, Mulena una ni wena!” Cwale, kuya ka libyana, neba lukile, sibaka ne li sa Isilaele. Kono Linzwi la Mulena ne li nyazize Akabe, kacwalo Mulimu na ka fuyola cwani sa Na nyazize kale?

118 Ki zeo foo kacenu. Mwabona? Linzwi la mulalelo nelili ku Mikaya. Cwale, haiba mu tamahana ni Mulimu mwa kuca mulalelo wa niti, mi moya ku mina ha u lumelelani ni Linzwi le, ha mu amboli ni Mulimu, musweli kuikambota ni mioya isili. Mi iziba hahulu kulikanyisa! Bibeke ibulezi kuli, “Mwa mazazi a maungulo i ka puma ni bona ba Baketilwe haiba ku konahala. Kono lihalimu ni lifasi li ka fela, kono Manzwi a Ka haana kufela.” Mi haiba mu. . . Paulusi naize, Magalata 1:8, “Haiba lingeloi lelizwa kwa lihalimu likutaza evangeli isili kufita Ye yona ye mu utwile kale, yo abe anatema.” Nahaiba lingeloi! Mwa keleke ya makalelo, fani baana bani, sina Muhalalehi Martin, Irenaeus, ona baana ba bumulimu bani, fani diabulosi ha ka bonahala sina lingeloi la liseli. Kono, mu talime, ukaba kwahule nyana ni Linzwi.

119 Na bonahalile ku Eva sina lingeloi la liseli, a mu bulelela ali, “Luli, Mulena ubulezi *cwana*, Mulena ubulezi *cwana*,” kono ahana ku lumelelani ni Mulimu kwa mafelelezo. Mi cwalo kona ni mulalelo wa buhata mo ezeza kacenu. Mi sicaba ha si nahana kuli ba lapela ku Mulimu, mi habana ku utwela Linzwi, ki mulalelo wa buhata.

120 “Ha muina ku Na, ni Manzwi a Ka aina ku mina, konakuli mukupe se mu lakaza,” mwabona, “mi si ka ezahala.” Cwale, ha li koni fela kuezahala nako ka iliñwi, ni kutima ka nako yetatama. “Mu ine ku Na, Manzwi a Ka aine ku mina,” koo, ki kupila. *Kuina* italusa ku “pumula fani, ina ona foo.” Eeni, ki—ki mulyani kuzwa kwa butuku bwa sibi.

121 Cwale, mutuhele ni kwale ka kubulela linzwi le cwale, lusika ya kale kwa tafule ya mulalelo. Mali ni Mubili wa Mulena, li kopane ka tumelo, ani kona Mali ni Mubili, wani ki Moya ni Linzwi, ze kopani ka tumelo, ili Bupilo Bobusafeli. “Ya ca Nama ya Ka ni kunwa Mali a Ka una ni Bupilo Bobusafeli, mi Ni ka mu zusa ka lizazi la mafelelezo.” Ki fo he cwale. Ki sikamañi seo? Ki

mulalelo wa Mulena. Linzwi ni Moya, Bupilo bo bu mwa Mali, Linzwi ni Moya kona Bupilo Bobusafeli, ka tumelo ku Mulena.

¹²² Ki ye tapelo yaka, sina ha Ni bona mafelelezo a atumela ni kubona kuli, muzuzu ufi kaufela, sesiñwi sakona kuezahala, ni kuziba kuli ha lu yo kwahule hahulu ni Kutaha kwa Mulena:

Mulena, mi ka Libizo la Mulena Jesu, yena Mwana Mulimu, tuhela ninge Linzwi, Mukwale, ni ku Li potolosa ka tumelo ye Ni sweli, ni kufita mwa nzila yaka nikome mata a madimona kaufela, kufitela Ni bona Jesu, ka kuikambota kwa Linzwi la Hae.

¹²³ Kuambola ni Linzwi la Hae. “Ha muina ku Na, ni Manzwi a Ka aina ku mina, konakuli mu Ni kupe se mu lakaza mi si ka mi ezezwa.” Haki bunde ni boo! Ki wo mulalelo wa niti ni Linzwi hamoho ni Moya, ni tumelo ya ku Li bonisa hamoho, “Kupa so lakaza, mi si ka ezwa ku wena.” Halu lapeleni.

¹²⁴ Mulimu ya musa Yakutekeha mi ya Ndate Kenile, yena yomutuna YATENI, yena El Shaddai, ku Abrahamama. O Mulimu, mulalelo omutuna wa Mulena wo mo likanela ni Bupilo Bobusafeli, ni mo U lu zwiseza kwa buikumuhu, mo U lu zwiseza kwa kusalumela, mo U lu zwiseza kwa sibi sa lifasi! Ki mulalelo, ka lilato la Bumulimu ku Ndata luna yakwa Lihalimu. Mi ka kuluka kwa Jesu Krete luna ni kabelo kwa tafule ye. Mi lu lapela, Mulena, kuli U fe mañi ni mañi wa luna tumelelo yeo busihu boo, mwa Moya. Lu swalele. Mi lubata mibili yaluna ya moya kuli ihule. Haluna taba ka kuikopanya kwa keleke kamba kopano. Lu bata kuyaha mubili wa moya, kwa sibyana sa sibi, kufita fa sibaka fo kusina takazo ya kueza bumaswe, ni ko Moya o Kenile ukona kunga Linzwi la Hae Tota ka milomo ya luna, ni ku Li bulela ka bunca sina mo ne U ambolezi ka lizazi lani, kakuli Ki Moya o swana onoli ku Mulena Jesu. Na lapela, Ndate, kuli U ka fa seo ku luna.

¹²⁵ Lihola za kwala. Mi ki lili, halu zibi, nako ya ka piliswa wa mafelelezo. Kono Na lapela busihu boo, Mulena, haiba kuna ni bani mo baba sa Ku zibi kuba Mupulusi wa bona, ha ba Ku fumane busihu bo ha nze bataha kwa mezi a kolobezo aa, kakuba kupuzo, ku to bulela kwa mubili wa balumeli wo kuli ba lumela likande kuli Jesu wa Nazareta na pepilwe ki mwalanjo Maria, mi a bulaiwa, a takiswa ki Ponto Pilato, mi a zuswa ka lizazi la bulalu ki Mulimu, mi a yo ina kwa lizoho la bulyo la Bulena bwa Hae, busihu boo, upila kamita kuli akone ku lu lapelela.

¹²⁶ Lumeleza, Mulena, kuli yena mutu yaswana yani, ya utwela litaelo za Bibebe, “Mubake, mutu ni mutu wa ku mina, mi mu kolobezwe ka Libizo la Jesu Krete ka swalelo ya libi za mina. Kakuli hakuna libizo lisili mwatasa Lihalimu le lifilwe batu leo mu lukela kupiliswa ka lona.” O Mulimu, sicaba ha si bone busepahali bwa teni, ni Linzwi leli tiile, “Hakuna libizo lisili mwatasa Lihalimu le lifilwe ku mutu leo mu lukela kupiliswa

ka lona, kono konji ka Libizo la Jesu Kreste.” Kabakaleo, muapositola naize, “Mubake, mañi ni mañi wa mina mi mu kolobezwe ka Libizo la Jesu Kreste kwa swalelo ya libi, mi mu ka amuhela mpo ya Moya o Kenile. Kakuli sepiso ifilwe kwa lusika kaufela, ni bona babañata be Mulena Mulimu wa luna uka biza.” Lumeleza, Mulena, kuli kube pizo yetuna busihu boo.

¹²⁷ Mi ku bulezwi hape, ki Mulena luna kuli, “Hakuna mutu yakona kutaha ku Na konji kuli Ndate A mubize, ni bao kaufela Ndate a Ni file ba ka taha ku Na. Lingu za Ka liutwa Linzwi la Ka.” Muenyi, mi haiba muenyi ubulela, linzwi le li si la mañolo, kapili lingu lika lemuhla cwalo. O Mulimu! Mi haiba ki Linzwi la Hao, yona Bibehe, se I bulela, ngu kaufela ika Si utwa, kakuli Ki Sico sa lingu. Ba cile. Ba ziba mufuta wa Lico za fepa Ndate. “Mutu hana kupila ka buhobe fela, kono ni ka Linzwi kaufela le li zwelela mwa mulomo wa Mulimu.” Lumeleza, Mulena, kuli ba bañata ba bone mi ba utwisise, mi ba tahe ku Wena busihu boo.

¹²⁸ Bona baba sina Moya o Kenile, basike ba u kasheza kwa nako isili. Ikona kuba nako isili mwa hola isili. Hakulata ha ba koni kuba mo.

¹²⁹ Mi, Ndate, sina ha lu kopanezi kwa tafule cwale kuli lunge ponahazo ya mubili wa Hao o lobehile wo, lu lapela kuli haiba kuna ni sibi mwahala luna, Mulena, lu swalele. No ize, “Ha mu taha hamoho, mu litelane.” Mulimu, haiba kuna ni sibi mwa kopano ye, kai ni kai, Ni lapela kuli Mali a Jesu Kreste a kauhanye muuna yani kwa sibi sa hae, kamba musali yani, mushimani kamba musizana. Mi, Ndate, Na itapelela ili na, kuli U ni kauhanye kwa ku kakanya kaufela, sibi kaufela, kusa lumela kaufela, sika kaufela. . . Lu ziba kuli ku sa lumela ki sibi. Kona sibi fela sinosi se si liteni. “Ya sa lumeli u atuzwi kale.” Mi ki sibi fela se siliteni, ki ku sa lumela Linzwi la Mulimu. Mi, Ndate, haiba kuna ni kusa lumela kaufela ku na, ni swalele, O Mulimu, mane kuna ni zeñata, mi Ni lapela kuli U ni swalele. Swalela kopano yaka yona yeo U ni file busihu boo, mi u ba fepe fa Linzwi. Lumeleza cwalo.

¹³⁰ Mi halunze lunga kupuzo nyana ye ya mubili o lobehile wa Hae Ya zuhile kwa bafu mi upila kuyakuile mwahala luna, lu amuhele mulalelo kuzwa ku Yena, Mulena, mulalelo wa Moya o Kenile. Lumeleza cwalo, Ndate. Lu kupa ka Libizo la Jesu. Amen.

¹³¹ Cwale, ku mina baba lukela kuya mi mu sa koni kuina ka mizuzu ye lishumi ni ye ketalizoho ya mulalelo. . . Hakuna ba bañata ba luna, mi lu ka ca mulalelo. Ha ki mulalelo wa kupata pata. Luli ki za mulumeli kaufela wa Mukreste. Mulimu haana mukoloko mwahala ba Baptist ni ba Methodist, ni zeñwi cwalo. Luna kaufela, ka Moya ulimuñwi, lu kolobelizwe mwa Mubili ulimuñwi, mi lu batu hamoho ba Mubuso wa Mulimu. Mi haiba kuna ni yomuñwi mwahala luna ya li muenyi, Ha ni bangi

kwanu nako yeñata, mi ha ni zibangi ma membala kamba babasi ma membala. Muhupule, hakuna taba kamba mu ba siemba sa keleke ifi, sani hasina sa kueza ni sona. Kuna ni fela Keleke iliñwi, nihakuli cwalo, mi ha mu ikopanyi ku Yona, mu pepwa ku Yona. Yeo ki niti. Mi mu pepezwi mwa Keleke ya Mulimu ye. Mi lu lapela kuli mu amuhele Kreste busihu boo, kuambola ni Yena halunze lu hupula mubili wa Hae o lnatilwe, ni tucu nyana to lu ca to, kwa paseka, mi Mulimu a fafaleze lipilu za luna ni lizwalo ka Mali.

¹³² Cwale ba ka tisa mulalelo, mi lu ka bala cwale kuzwa mwa Makorinte Bapili, kauhanyo ya 12. Mi lu ka ca mulalelo kapili kasumulaho wa se, mi lu sepa kuli Mulimu uka mi fuyola ka kutala. Mi ha lu ka bala fela se, kamba lu si ka bala kale, haiba mubata ku ya, kihande, mwakona kuzwela fande ka bunolo. Mi hape mube ni luna hape la Bulalu busihu, ni la Sunda kakusasana ni la Sunda busihu. Haiba mukona kuina kuli muce mulalelo ni luna, lukaba baba tabile hahulu ka mina fa kueza cwalo. Mi kasumulaho fela wa seo, ikaba Mulena . . . ikaba sebelezo ya kolobezo, ye ka ezahala ka mizuzu ye fifitini cwalo, kamba ye mashumi amabeli haiba ki kuliyena, Na sepa. Makorinte Bapili, kauhanyo ya 11, timana ya 23.

. . . Ni amuhezi ku Mulena se Ni mi file sona hape, Kikuli Mulena Jesu mwa busihu . . . bo abetekilwe na ngile buhobe:

Mi a sino itumela, a bu komauna, . . . ali, Munge, mi muce: se ki mubili waka, o lobehezwi mina: mueze seo kuli mu ni hupule ka sona.

Ka mukwa o cwalo hape anga sinwiso, mi ha se ba lalezi, ali, Se ki sinwiso sa bulikani bobunca bwa mwa mali aka: mueze seo, kamita hamunwa mwateni, kuli mu ni hupule ka sona.

Mi cwale kamita ha mu ca kwa buhobe bo, mi mu nwela mwa sinwiso seo, ikaba mubulela lifu la Mulena mane akute.

Kabakaleo mutu ni mutu ya sa ci kwa . . . mutu ni mutu ya ca kwa buhobe bo, mi anwela mwa sinwiso sa Mulena ka mukwa o sa swaneli, ukaba ni mulatu wa mubili ni wa mali a Mulena.

Kono mutu ni mutu aitekule kihona, mi cwale ace kwa buhobe bo, mi anwele mwa sinwiso seo.

Kakuli ya ca mi a nwa isi ka swanelo, sa lemuhi mubili wa Mulena, u icela mi u i nwela katulo.

Kabakaleo kuna ni babañata ku mina ba ba fokola ni baba kula, . . . babañata ba lobezi.

Kabe lu ikatula ili luna, kabe lu sa atulwi.

Kono ha lu atulwa, lu kalimelwa ki Mulena, kuli lu si ke lwa atulwa ni lifasi.

Cwale he, bana bahesu, ha mu putehela ku ca, mu litelane.

¹³³ Cwale, fa nako nyana kwa tapelo ya ku kuza ku mañi ni mañi wa luna, mu ni lapelele ha Ni mi lapelela. [Muzwale Branham wa kutumana—Mu.] . . . ? . . .

Alaba likupo ze, Mulimu Yamata kaufela. U lu swalele milatu ya luna mo lu swalelelaa baba lu foselize. Se lu kupa ka Libizo la Jesu Kreste. Amen.

¹³⁴ Limpo nyana ze za sinkwa se si si ka umelwa, kusina kulungiwa, ni zeñwi cwalo, se si yemela mubili wa Mulena. Hasina maneku a likanelela, si luba lubilwe mwa liemba kaufela. Ki mukwa wa kutalusa mubili wa Hae o lobehezwi luna. Mi cwale Mulimu a fe limbuyoti za Hae ku mutu kaufela ya li ca. Cwale, ha ki mubili, u yemela fela mubili. Hanina mata, hakuna usili ya na ni mata, kuli ibe sika kaufela kwanda sinkwa kihona. Mulimu anosi. Mi seo kona sa Na lu bulelezi, kuli luce sinkwa se ni kunwa komoki ya veine ye. Cwale ha lu inamiseñi litho zaluna.

¹³⁵ Mulimu ya Kenile Kufitisisa, Yo luli batanga ba Hae, ka Libizo la Jesu Kreste, kenisa sinkwa se ka tuso ya sona, ku lueza, halunze lu si amuhela, kuhupula kuli Mulena luna na kokotezwi; mi mubili wa Hae, o munde o kenile ka mo bezi, no tezi miupa ni miutwa ni limapo, bakeñisa luna, kuli ka mubili wa Hae o pazuzwi kwa taha Moya o fa Bupilo Bobusafeli kuluna. Mi luna, Mulena, hanze lu ca se, lube ni muhau wa musipili, sina Isilaele mwa na ezelize myaha ye mashumi amane mwa lihalaupa, mane nekusina ni ya na fokola mwahala bona. Mulimu Ndate, lumeleza se, halunze lu lapela Aku kenise sinkwa se, sinkwa se si sina mumela, kwa musebezi wa sona. Ka Libizo la Jesu. Amen.

¹³⁶ Sinwelo sa Testamente ye Nca, ona Mali. Ni nahana za pina yani:

Ka tumelo Ne ni boni Nuka yani
Yebuba kuzwa kwa miupa yahao,
Lilato leli pilisa libile pina yaka,
Mi likaba cwalo kufitela Ni shwa.

¹³⁷ Ha Ni bona mali a, magilepu, mali a magilepu, Ni ziba kuli a yemela Mali ana zwile mwa mubili wa Mulena Jesu. Mi kaufela ya amuhela se abe ni Bupilo Bobusafeli, mi matuku azwe mwa mibili ya bona, mane ni mukatala hamoho ni mifokolo, makateñi, ni yena diabulosi (mwa mifuta kaufela) azwe kubona, kuli babe ni mata amatuna mi buiketo ni Bupilo Bobusafeli, kuli liseli la bona libenye fapila lusika lolu maswe lo mi lwa bubuki mo lupila, ili ku lumba Mulimu.

¹³⁸ Ndate yakwa Lihalimu, lu tisa ku Wena muselo wa kota. Ka Libizo la Jesu Krete, li kenise, kuli li yemele Mali a Mwana Hao, Jesu, ku Ona lu na ni, “Na holofalezi bumaswe bwa luna, ka muipa ya Hae lu folisizwe.” Lumeleza, Mulena, kuli Bupilo bu tahe ku luna, Bupilo Bobusafeli ka buñata bo butuna, kuli lukone ku Ku sebeleza hande, lube ni mata ni mibili ye tiile kuli i lu lwale kuzwa sibaka se kuya sibaka sesiñwi ko lu kulubela ku Kusebeleza, kaufela ko Uka lu biza. Lumeleza limbuyoti ze, ka Libizo la Jesu, lwa lapela. Amen.



MULALELO LOZ62-0204
(Communion)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Yowa 4, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org